

# Meghalaya Health Systems Strengthening project Environmental and Social Management Framework

## Ka jingbatai kyllum

*Ka World Bank ka don jingthmu ban ai jingkyrshan ia ka Sorkar Meghalaya na ka bynta ban pynkhlain ia ka jingshakri ka tnat ka koit ka khiah ha ka jylla.* Kane ka projek kan pynmyntoi ia ka jylla baroh kawei ha kaba kan kham phai khmat ha kaba kyntiew ia ki lad jingsumar bad ki jingshakri ha ki jaka sumar bad ruh ban pynkhlain ia ki lad jingshakri jong ki 12 tylli ki District Hospital, 23 tylli ki CHC bad 70 tylli ki PHC ha kylleng ka jylla. Yn pynkhlain ruh ia ka MHIS ia kaba tang 56% ki longing ki dang lah ban pyndonkam haduh mynta. Kane ka projek kan pynmyntoi ia ki nongtrei ka koit ka khiah, khamtam kito kiba kham hapoh, da kaba kyntiew ia ka bor jinglah jong ki lyngba ki jingai jinghikai kiba janai. Ka jingbei tyngka ha ki jaka sumar bad jingpynbiang ia ki tiar sumar, ka jingiateh lok bad ki riew shimet, ka jingpynbiang ia ki kor ki bor bad ka jingpynbha ia ki jaka trei kan kyntiew ia ka jingtreikam kaba janai bad kaba hun bad ki paidbah ki lah ban ioh ia ki jingsumar kiba kham bha. Ka jingdonkti lang jong ki shnong ha ka liang ka jingsumar ia ki khunlung khynnah kan wanrah ruh ka jingshakri kaba kynsai ha kaba ki longkmie ki lah ban ioh ia ki lad jingsumar bad ki jingtei met. Kane kan pynmyntoi ia ki longkmie bad ki khunlung.

Ka agency kaba hakmat eh ban pyntreikam ia ka projek ka dei ka Department of Health & Family Welfare (DOHFW) jong ka Sorkar Meghalaya. Ka thong jong ka projek ka long ban kyntiew ia ka jingtreikam, ka jingpynbiang ia ki lad jingshakri kiba janai bad pyndonkam ia ki lad jingshakri jong ka koit ka khiah ha Meghalaya. Ka projek ka don kine ki bynta harum:

*Bynta 1: Ban pynbha ia ki lad jingshakri bad jingtreikam jong ka tnat ka koit ka khiah lyngba ki jingiateh kular ban thaw dur thymmai ia ka rukom ai jingshakri:* Kane ka bynta ka kham phai khmat sha ki jingpynthymmai ia ki rukom treikam, jingpyniaid kam bad jinglah ban ai jingkhein da kaba pyndonkam ia ka Internal Performance Agreement (IPA) kum ki Performance-Based Contract bad Result Based Financing (RBF) ban kham beit ka rukom ai jingshakri. Kine ki buh ia ka jingiateh (IPA) hapdeng ka DoHFW bad ki agency kiba pyniaidkam ban wanrah ka mynsiem ka jingiatreilang ka ban kyntiew ia ki lad jingshakri kiba bha ba janai.

*Bynta 2: Pynkhlain ia ka tnat ban wanrah ka jingshakri kaba bha ha ka koit ka khiah.* Kane kan long khamtam ha ka jingai kyrdan ia ka jingbha ki jaka sumar bad ban pynkhlain ia ki lad jingshakri kiba kham kongsan ha ka koit ka khiah.

*Bynta 3: Pynbun ia ki lad jingshakri bad ban ai ka jingshakri kaba janai ha ka koit ka khiah.* Kane ka kynthup ia ka jingkyntiew ia ki lad jingshakri bad pynkhlain ia ki jingshakri lyngba ka Megha Health Insurance Scheme (MHIS) ha ki jaka sumar bad ban kyntiew ia ki jingshakri ha kaba pynbiang ia ki dawai bad ki jingbam tei met ha ki shnong.

*Bynta 4: Ka jingpynbiang ia ki jingshakri ha ki khep kiba kyrkieh.* Kata kan long haba don ki jingjia ne ki khep kiba donkam kyrkieh ia ki jingshakri jong ka koit ka khiah.

*Kane ka projek kan kynthup ia bun ki jingtreikam.* Ki kam hapoh kane ka projek kin kyntiew ia ki jingtreikam ka tnat ka koit ka khiah ha ka jylla da kaba pynkhlain ia ki lad jingshakri ha ka liang ka jingsumar, ban kyntiew ia ka jingnang jingtip jong ki nongai jingsumar, ban kyntiew ia ki lad ai jingtip halor ka koit ka khiah bad ban nang pynthymmai ia ki lad jingshakri. Ha ki jaka kiba kham kyndong, lah ban wanrah ia ki lad jingsumar da ki jingiatreilang bad ki bor shnong ne bad ki riew shimet ban pynthikna ba ki lad jingsumar bad jingshakri ki poi sha ki paidbah ha ki thain nongkyndong. Kane ka projek kan kyrshan ia (a) ki jingmaramot ia ki jingtei, pynthymmai bad kyntiew ia ki jaka sumar ha ki district hospital, CHC bad PHC; (b) ka jingiateh lok bad ki briew ne seng shimet, ki jingpynbiang ia ki kor ki bor bad kham pynbiang ia ka jaka treikam jong ki nongtrei ka koit ka khiah ban ai ha ki ia ka jaka trei kaba ki lah ban pynpaw ia la ka jong ka jnglah bad ba kin sngewtynnai ban ai ka jingshakri kaba hok ba janai. Ka projek kan kyrshan ruh ia ki bor shnong da kaba kyntiew ia ki lad jingshakri ha ki Health Wellness Centre. Ka

jingpynkhlain ia ka tnat ka koit ka khiah ha Meghalaya kan kynthup ruh ia ka (a) jingpynkhlain ia ki bor treikam kynthup ia ka jingpynbiang ia ki kor ki bor bad ka jingai jinghikai ia ki nongtrei halor ka rukom plan, pyniaid kam bad pyndonkam ia ki kor ki bor; (b) ka jingpynneh ia ka kontrak katkum ka jinglah treikam bad ka jingai phon pisa katkum ka jinglah treikam ha ki HCF ban pynbha ia ki lad jingshakri ha ki hospital; bad (c) kyrshan ia ka plan ban kyntiew ia ki jingnang jingtip kumno ban pynkhuid ia ki jakhlia kiba mih na ki hospital sorkar bad jong ki shimet.

***Namar ba ka projek ka thmu ban pynkhlain ia kiba bun ki HCF bad namar ka jingwan jong ka khlam COVID-19, ym pat lah ban ai jingtip bniah halor ki jaka ban pyntreikam ia ki subprojek, bad kumta la pynkhreh ia ka Environmental and Social Management Framework (ESMF) ban peit ia ki jingma bad ki jingktah kiba lah ban mih na kine ki projek.*** La pynkhreh ruh ia ka Environment and Social Commitment Plan (ESCP) bad ka Stakeholder Engagement Plan (SEP) bad yn sa pynbna lyngba ka website jong ka DOHFW ha Meghalaya bad ha ka website jong ka World Bank. Namar ki jingpyrkhing ia ka leit ka wan bad ki lad pynpajih para briew na ka daw ka khlam COVID-19, la lah ban leit jngoh tang khyndiat ki jaka bad bun ki jingiaphylliew jingmut la leh lyngba ki bor internet. Kine ki jingphylliew jingmut ki kdup tang ia ki lad jingshakri ha ka koit ka khiah bad ia ki rukom pynkhuid ia ki jakhlia kiba mih na ki jaka sumar (Biomedical Waste Management), ka kamram jong ki shnong ha kaba kyntiew ia ka koit ka khiah. Lah ban pynthymmai ia ki ESMF, SEP bad ESCP haba donkam ha ka por ba pyntreikam ia ka projek ynda ngi la lah ban iaphylliew jingmut kham janai.

***Da kaba pynshong nongrim na ki jingma bad jingktah ia ka mariang bad ka imlang sahlang, ka project E & S kam da long kaba shu pdeng.*** Ki jingma kiba kham ktah ia ka imlang sahlang ki long ka jingbym ioh jong ki briew kiba kham duna ha ki liang baroh ia ki lad jingshakri ka koit ka khiah; ka jingma ia ka jingtrei jingktah bad ka koit ka khiah kiba lah ban mih na ki jingtrei ban maramot bad pynthymmai ia ki jingtei wat la ki long kiba rit hynrei ki ban treikam ha kylleng ki jaka; bad ka jinglot ne jingbym don jong ki lad pynbeit jingeh. Ka projek kam da dei eh ban hap ban shim jaka lane pynmih jubor ia ki nongshong nongsah namar ka jingpynbha ia ki jaka ka dei tang ban shu maramot, pynthymmai bad pyniar khyndiat khynsoit ia ki jaka ai jingsumar kiba la don lypa. Ban teh lakam ia ki jingshah ktah, yn jurip bniah ia man kawei kawei ka subprojek ban lait na ka jingktah ia ka imlang sahlang kynthup ka jingshah ktah kiba shong basah hapoh ki jaka ai jingsumar (lada don). Ki jingma ia ka mariang ki mih na ka daw ba kat nang pynbha ia ki jaka ai jingsumar lyngba ka projek, ka lah ban nang pynbun ia ki jakhlia kiba mih na ki jaka ai jingsumar. Nalor kata ka jingbym biang jong ka rukom pynkhuid jakhlia lane Bio-medical waste management (BMWM) ha ka jylla ka nang kynton ia ki jingma. Hynrei kane ka projek ka plan ban bei tyngka ban pynbha ia ki lad pynkhuid ia ki jakhlia kiba mh na ki jaka sumar kaba kynthup ia ka jingpyniakhlad ia ki niut, ka jingsait dawai, ka jinglum bad jingbret ia ki niut hospital ki ban nym ktah ia ka mariang bad ia ki paidbah. Ka jingwad bniah halor ka Waste Characterization yn leh da ka DOHFW hapoh hynriew bnai jong ka jingtreikam ka projek na ka bynta baroh ki jaka ai jingsumar ha ka jylla ban pyniaid ia ka BMWM. Namar ka jingkiew jong ka BMW ka shong ruh na ka jingkiew jong ki nongwan sumar pang bad na kiba bun kiwei ki daw kum ka jingkyntiew ia ki HCF, ka jingslem ban ai jinghikai ia ki nongtrei HCF bad ki SBCC ban wanrah ka jingiatreilang jong ki shnong kumta ngim khmih lynti ban lah ban pyntreikam ha kine ki arsnem naduh basdang ka projek. Ryngkat bad ki jingdonkam jong ki HCF, yn peit bniah ia ki jingpynkhlain bad jingpyntreikam ia ki BMWM ha ki plan. Ka jingkyntiew ia ki BMWM kan long katkum ka jingkynton ki jakhlia kiba mih na ki jaka sumar. Ia mynta, ki jingpynkhuid niut hospital da kaba pyndonkam da ki thliew tep ia ki niut kiba lah ban iabit jingpang, ki thliew ba tep ia ki niut kiba thar bad ba nep bad ka jingsait dawai ia ki um jakhlia shwa ban pyllait sha ki nala/ki thliew yn leh da kaba bud ia ki kyndon bad jingbthah jong ka sorkar pdeng. La khmih lynti ba ki tiar sumar kiba shna na ka mercury yn sa pynduh noh suki suki. Nalor kata, ki jingma kiba mih na ki jingmaramot bad ki jingpynbiang tiar ha ki jaka sumar ki kynthup ia ki jakhlia na ki jingtei, ki pum pum, ka umjakhlia, ka jingsawa, ki umphniang, ka lyer jakhlia na ki diesel generator bad kiwei. Kine lah ban pynkhuid da kaba bud ia ki kyndon ka ESMF. Ka don ruh ka jingmyntoi ban pyndonkam da kiwei ki tyllong bording ha ki HCF kum ki

solar light bad kiwei. Kumta, yn leh ki jingjurip katkum ka jingbthah ka GHG hapoh 6 bnai naduh ba pyntreikam ia ka projek.

Hynriew tylli na ki shiphew tylli ki World Bank Environment and Social Standards (ESSs) ki long kiba donkam ha kane ka projek. Ki E & S Standards ki long: ESS1 – Assessment and Management of Environmental and Social Risks and Impacts, ESS2 – Labour and Working Conditions, ESS3-Resource Efficiency and Pollution Prevention and Management, ESS4-Community Health and Safety, ESS7-Indigenous Peoples/Sub-Saharan African Historically Underserved Traditional Local Communities bad ESS10-Stakeholder Engagement and Information Disclosure.

Kane ka ESMF ka la kynthup lut ia baroh ki bynta kiba kongsan jong ka jingpyniaid kam ki ban don jingiadei bad ka mariang bad ka imlang sahlang. Ka ESMF ka kynthup ia ki jingbud ia ki ain ki kanun, ka jingbuh jingthew ia ki jingtah ia ka mariang bad ka imlang sahlang, ka checklist ia ki subproject, ka list jong ki jingbei tyngka, ki jingtreikam jong ki agency bad ki kyndon ha kaba pyntreikam ia ki subproject, ka Environmental and Social Management Plans (ESMP), bad ka jingbtin lynti kumno ban saindur ia ki Bio-Medical Waste Management Plan (BMWMP) katkum ki jingbthah jong ka World Bank's Environmental and Social Framework (ESF). Ka kynthup ia ki jingbatai ba bniah ia ki jingpynbeit kiba donkam na ka bynta ban pynduna ia ki jingshah ktah, kynthup ia ki jingdonkam jong ki stad kiba peit ia ki plan. Ka EMSF ka kynthup ia ki lad pynbeit jingeh bad kaba kdew ruh ia kiba bun ki bynta bad ki jingbthah kiba iadei bad ka khlam COVID-19.